

THESES MEDICÆ
DE
TREMORE
à
CESSANTE SCABIE,

FAVENTE DEO,
*Consensu Inclyti Medicorum Ordinis in Illustri
Academia Eberhardina,*

PRÆSIDE
DN. ELIA RUDOLPHO CA-
MERARIO, PHIL. & MED. DOCT. AC
PROF. PUBL. ORDIN. CONSIL. ET ARCHIA-
TRO WURTEMBERG. h. t. FACULTA-
TIS MED. DECANO,

Publicæ Philiatruræ Ventilationi
submissæ,

à
FERDINAND-GOTTLIEB SCHMELTZ,
Lommatziâ Misnico,

die 13. Octobr. in Auditorio Medico

Horis antemeridianis.

TUBINGÆ,
Typis MARTINI ROMMEII, 1688.



HISTORIA MEDICA.



Edicus vocatur ad *juvenem* 24.

circ. annorum, qui opificio victum quærebat & usum ipsius cum ulteriori cognitione sibi comparare studebat, toto corpore insigniter *tremementem*, valdè anxium, lasum, debilem, neque calidum neque frigidum nimis: Sciscitans artificiosa prudentia de talibus qualia ad cognitionem & curationem desiderabat, percipit ipsum aliquamdiu laborasse *Scabie* crustosa multis ac insignibus pustulis molesta, subitò autem absque ulla manifesta causa tumidas partes subsedisse, exsiccatas crustas decidisse, pustulas effuso puriformi humore evanuisse, cuticulam & cutem reticulatam, elevatam induruisse, & illâ detractâ solas remansisse maculas, inæquali corporis habitu in æqualem mutato; Mox nares, tempora & verticem cum cervice conspergi *Elixire Vita* curat, exhibet *pulverem* sequentem cum vehiculo.

Rx. Pulv. Pannon. rub. ʒj.

Epil. March.

mirabil. Myns. ana ʒß.

M. F. pulv. D.

Rx. Aq. Cerasor. nigr.

acetosa ana ʒij.

cinnam. bugloss.

Syr. Pæon. an. ʒß.

Conf. Alkerm. compl. ʒij.

M. D. S.

Wasser davon mit dem Pulver 4. auch sonstens öftters ein paar Löffel voll zu nehmen.

Injungens, ut Sudor excitetur, linteis calidis prudenter abstergendus; Serenior ab isto sudore est animus ac dictæ molestiæ pacatiores, à somno tamen, cui se tradebat, sæpius per terrorem & membrorum desultoriam jactationem sive concussionem revocatur. Assumit ex Consilio Medici *Extr. Papaver. err. & theriac. cælest.* ana gr. iij. in pilularum formam radacta, unde recolligens vires, suo iterum opificio navat operam. *Redit* denuò *tremor* cum dictis sociis & ab exhibitis jam dictis iterum fugatur; ut autem non solum malum præcaveatur, sed & quæ supererat lassitudo levis & ad labores graviores ineptitudo auferatur, urgenti ægro præscribit Medicus sequentia.

*Rx. Corn. alc. phil. calc.
cerv. phil. calc.*

ungul. alc.

ebor. phil. calc.

ocul. ꝑ.

Succin. ppt. an. ℥iij.

Cinab. nativ. ℥j.

Tabul. manus Christi perlat. ℥i℥.

M. f. pulv. divid. in 60. part. æqual.

Detur ad 60. distinctas chartas.

*Sign. Pulver darvon Morgends um 6. und Abends
um 4. Uhr allezeit 1. zunehmen.*

Rx. Aq. Scorzonæ.

Senec.

Cerasor. nigr. an. ℥ij.

Syr. rub. Idæi ℥vj.

M. D. ad Vitr. Sign.

*Wasser darvon mit dem Pulver allezeit 4. Löffel
voll zu nehmen.*

*Hora antemeridiana nona hauriat, quamdiu pulve-
re utitur, jusculi rad. Scorzonæ, foliis nasturtii aquatici &
fra-*

fragaria ana recentibus alterati calidi t̄ss. suavit simul Medicus ut vino uteretur modicè, jungeret ipsi Decoctum ordinarium ex *Visco querno C. Cerv. usto & semine fœniculi* cum *aqua fontana* paratum, abstineret à cibis & condimentis nimis acribus, à frixis, ab ira, ac aliis vehementioribus animi commotionibus & tandem, si per rationes œconomicas licuerit, æstivo tempore *Acidulis* uteretur; quæ singula cum effectui dedisset æger, liber ab omnibus istis *per DEI gratiam* plenè convaluit, pancreaticæ gaudens sanitate.

Σὺν Θεῷ.



Nimus erat *Casum hunc Medicum* ab Excellent. Dn. *Præside* mihi communicatum quâ Theoriam & Praxin prolixius exponere & publicæ luci sistere. Verùm, cùm ob rationes partim publicas partim privatas citatum iter in patriam suscipiendum mihi sit, brevissimas pro ratione temporis lineas ducere & pro edendo publico specimine ventilandas proponere constitui; Deus assistat huic meo conatui.

THESIS I.

QUa *Ideam* Tremor hic consideratus dicit Symptoma actionis animalis læsæ, Motus videlicet: Contingit hîc, ut sæpius alias, complicatio læsarum actionum, cernere quippè licet actionem imminutam ac depravatam una concurrentes in hoc ipso affectu. Motum Spasmodicum Tremorem in genere dicere non possumus, cum formale spasmî, constrictio nempe convulsivâ absit in ipso generaliter considerato. In hoc Casu aliquid spasmodici concurrisset Terror & membrorum desultoria jactatio seu concussio innuunt.

II.

Subjectum Passivum dicimus totum corpus, plerasque ejus partes, potissimum specialius musculos horum-

que fibras carnosas motui dicatas. *Subiectum Causale* potissimum est M. S., ut & suo modo variæ imò omnes corporis partes solidæ.

III.

Causa Proxima est fibrarum musculosarum perversa inæqualis, irregularis, inordinata à spiritibus animalibus inflatio, actuatío, accedente illarum laxitate, non tamen absque omni præternaturali irritatione tensiva. Inducitur talis inflationis sive actuationis inæqualitas ac inordinatio *partim* à succo humectante, laxante, pororum regularem ac proportionatam aperturam impediēte, perversante, *partim* à spirituum animalium dyscrasia textura à st. naturali deviante.

IV.

In specie, quæ à *Scabie* retrogressa, aut prout hîc, *cessante*, oriri soleat tremor inquisitione dignum est. Credunt *Potissimi* à palindrome humoris exulcerantis, à retrogressu particularum acidarum, alcalinarum, aliarumve heterogenearum excernendarum ad interiora oriri non rarò Tremorem; De *viis* si quæritur, monstrant venas, vasa lymphatica, nervos, corporis vivi ejusque partium patentes poros.

V.

Nos ut ut largiamur, aliquando à regressu particularum exulcerantium universalem totius corporis contingere posse Tremorem, potissimum tamen *hîc* accusamus M. Sæ texturam subitò immutatam, inversam quasi, uno verbo, cruditatem ejus, sive talem conditionem per quam ea incipit esse inepta ad defæcationem & despumationem illarum particularum, quæ per conatum naturæ depurantis expellentis antea secedebant.

VI.

VI.

Hanc cruditatem aliàs in febribus toto die, in chronicis morbis non rarò obviam Practicus observat facile; Loquuntur eam exempla è macrocosmo petita, sice. gr. vinum l. leviori igni subiectum suppeditat Spiritum; Mustum vero etsi centies subjiciatur igni, ejusmodi oleosum ardentem spiritum nunquam dabit, cum in musto particulæ nondum sint aptæ secretioni nec dispositæ ad qualemcunque secessum; Non ab similem rationem M. S. esse in nostro casu nobis videtur.

VII.

Medicus *Curam* hujus mali instituens & indicantibus opponens indicata, fibras musculorum naturali, debitæ tensioni restituere, serum, humorem humectantem, relaxantem imminuere, absumere, corrigere, spiritus animales desciscentes vigori pristino reddere, vias leviter obstructas referare, compressas ab onere liberare, angustatas dilatare, particulas quascunq; heterogeneas nocivas invertere, absorbere, emendare, hocque ipso regularem, blandam & moderatam spirituum animalium undulationem procurare studuit.

VIII.

Arma pro indicatorum horum executione deprompsit è fonte *Pharmaceutico* talia, quæ per glandulas, subcutaneorum vasorum oscilla varias peregrinas atomos educunt, fibras musculorum à relaxantibus, heterogeneis, irritantibus liberant, & ipsam causam, peregrinos ac sylvestres sapes M. Sæ. alterant, immutant, in aliam texturam vertunt.

IX.

Præscripsit *in paroxysmo* Nervina, Cephalica, spiritibus animalibus robur afflantia, ipsos suscitantia, colligentia,
anti-

antispasmodica junctis potissimum absorbentibus ; *Extractum papaveris erratici* ut & *theriacam cœlestem* non sine ægri emolumento exhibuit ad spirituum motum confusum irregularem placandum ac compescendum. *Malum ut præcaveretur*, suasit *Corn. alc. Corn. Cerv. phil. calc. ungu. alc. Ebur. ocul 69. præpar. succin præpar. & Cinab. nativ.* quæ singula medicamenta ultra ventriculum suas exerunt vires nec intentionaliter aut idealiter saltem agunt, sed tenues penetrantes, invertentes, absorbentes, M. Sææ communicant particulas, & ita varios corporis p. n. humores emendant, corrigunt, cum contentis immutant. *Iuscula* alibi jam commendavit & ab injuriis vindicavit Excell. Dn. Præses.

X.

E Fonte *Diatetico* optimè *Vini* parcus usus injunctus fuit, & abstinencia ab ira ; Ira enim & vinum familiariter Tremorem gignere solent. Potus ordinarius ex decoctis in aqua *Visc. quern. C. C. ust. & Sem. fœnicul.* in affectibus nervinis multum juvat. Acidularum interior usus in genere non omni conducit tremori : Hic cur profuerit ? facile ex dictis patet. Tantum pro ratione Instituti.

DEO SIT LAUS ET GLORIA.

